

ՀԱՄԱՁԱՅՆԱԳԻՐ N 10

14.01.2014թ. կնքված Բնական գազի մատակարարման

(Մատակարար-Բաժանորդ (կազմակերպություն)

N ARG 19 0 01 14 0012 պայմանագրի (այսուհետ՝ Պայմանագիր)

«23» 01 2019թ.

ք. Երևան

Մատակարար՝ «Գազպրոմ Արմենիա» ՓԲԸ-ն, ի դեմս Վարչության նախագահ-Գլխավոր տնօրեն **Հ.Թադևոսյանի**, որը գործում է Կանոնադրության հիման վրա և որի անունից «Գազպրոմ Արմենիա» ՓԲԸ 23.04.2018թ. N: 01-20/1568 լիազորագրի հիման վրա գործում է Գլխավոր տնօրենի տեղակալ **Ա.Գևորգյանը**, մի կողմից, և **Բաժանորդ՝ ՀՀ Անշարժ գույքի կադաստրի կոմիտեն**, ի դեմս Գլխավոր քարտուղարի ժամանակավոր պաշտոնակատար **Գ.Եգանյանի**, որը գործում է Կանոնադրության հիման վրա, մյուս կողմից, համատեղ կոչվելով Կողմեր, կնքեցին սույն Համաձայնագիրը հետևյալի մասին.

1. Պայմանագրի անբաժանելի մաս կազմող №1 և №3 հավելվածների աղյուսակներից հանվում է «Վայոց ձոր» տողը:
2. Սույն Համաձայնագիրն ուժի մեջ է մտնում Կողմերի ստորագրման պահից:
3. Կողմերը սահմանում են, որ սույն Համաձայնագրի պայմանները կիրառվում են 2019թ. հունվարի 1-ից ծագած հարաբերությունների նկատմամբ (հիմք՝ ՀՀ Քաղաքացիական օրենսգրքի հոդ. 441, 2-րդ կետ):
4. Սույն Համաձայնագիրը գործում է Պայմանագրի գործողության ժամկետում:
5. Սույն Համաձայնագիրը հանդիսանում է Պայմանագրի անբաժանելի մասը:
6. Սույն Համաձայնագիրը կնքված է հավասարազոր իրավաբանական ուժ ունեցող երկու օրինակից, մեկական օրինակ յուրաքանչյուր կողմի համար:

Մատակարար

«Գազպրոմ Արմենիա» ՓԲԸ

Լիազորված անձ

Լիազորագիր՝ N:01-20/1568,

տրված՝ 23.04.2018թ.

Գլխավոր տնօրենի տեղակալ

Կ.Տ.

Բաժանորդ

ՀՀ Անշարժ գույքի կադաստրի կոմիտե

Գլխավոր քարտուղարի

ժամանակավոր պաշտոնակատար

Գ.Եգանյան

Կ.Տ.

**Բնական գազի մատակարարման
(Մատակարար - Բաժանորդ (կազմակերպություն))**

ՊԱՅՄԱՆԱԳԻՐ N ARG 19 0 01 14 0012

ք.Երևան

«19» 01 2014 թվական

Մատակարար՝ «Հայֆուսգազարդ» ՓԲԸ-ն (ՀՀ, ք.Երևան, Թբիլիսյան խճուղի, 43), ի դեմս Վարչության նախագահ-Գլխավոր տնօրեն Վ.Հարությունյանի, որը գործում է համաձայն Կանոնադրության և ՀՀ բնական մենաշնորհների կարգավորման հանձնաժողովի կողմից տրված N 0109 գործունեության լիցենզիայի հիման վրա, մի կողմից, և Բաժանորդ՝ ՀՀ ԿԱ Անշարժ գույքի կադաստրի ՊԿ (ՀՀ, ք.Երևան, Արշակունյաց պող. 7), ի դեմս Աշխատակազմի ղեկավար Ա.Անանյանի, որը գործում է համաձայն Կանոնադրության, մյուս կողմից, համատեղ կոչվելով Կողմեր, կնքեցին սույն պայմանագիրը հետևյալի մասին.

1. ՀԱՍԿԱՅՈՒԹՅՈՒՆՆԵՐ

1. Սույն պայմանագրում օգտագործվող հասկացություններն են.

- 1) *Հանձնաժողով*՝ Հայաստանի Հանրապետության հանրային ծառայությունները կարգավորող հանձնաժողով.
- 2) *ԳՍՕԿ*՝ Հայաստանի Հանրապետության հանրային ծառայությունները կարգավորող հանձնաժողովի 2005 թվականի հուլիսի 8-ի «Բնական գազի մատակարարման և օգտագործման կանոնները հաստատելու մասին» N95Լ որոշման 1-ին կետով հաստատված բնական գազի մատակարարման և օգտագործման կանոններ.
- 3) *Հաշվարկային ամիս*՝ ժամանակահատված, որի գործողությունը սկսվում է օրացույցային ամսվա առաջին օրվա ժամը 11:00-ին և ավարտվում է հաջորդ օրացույցային ամսվա առաջին օրվա ժամը 11:00-ին:
- 4) *10 հազար խորանարդ մետր և ավելի սպառում ունեցող Բաժանորդ*՝ անձ, որի ծախսած բնական գազի ամսական քանակությունը նախորդ օրացույցային տարում ավելի քան երկու հաշվարկային ամսում գերազանցել է 10 հազար խորանարդ մետրը (Ցեխիուսի 20 աստիճանի և 101.325կՊա կամ 1.033227կգ/սմ² ճնշման պայմաններում):

2. ՊԱՅՄԱՆԱԳՐԻ ԱՌԱՐԿԱՆ

2. Մատակարարը պարտավորվում է Բաժանորդին մատակարարել բնական գազ, իսկ Բաժանորդը պարտավորվում է վճարել մատակարարված բնական գազի դիմաց:

3. ԿՈՂՄԵՐԻ ՊԱՐՏԱԿԱՆՈՒԹՅՈՒՆՆԵՐԸ

3. Մատակարարի և Բաժանորդի փոխհարաբերությունները կարգավորվում են սույն պայմանագրով, ԳՍՕԿ-ով, Հայաստանի Հանրապետության օրենքներով և այլ իրավական ակտերով:

4. Մատակարարը պարտավոր է.

- 1) սահմանազատման կետում ապահովել Բաժանորդի գազամատակարարումը՝ «Բնական վառելանյութային գազեր արդյունաբերության և կոմունալ-կենցաղային նպատակների համար» ԳՕՍՏ 5542-87-ով սահմանված պայմաններին համապատասխանող հոտովետացված (հոտովետացված կամ փոխփոխացված) բնական գազով.
- 2) 10 հազար խորանարդ մետր և ավելի սպառում ունեցող Բաժանորդին բնական գազ մատակարարել սույն պայմանագրով ամրագրված ժամանակացույցով և չափաքանակներով (Հավելված N3).

- 3) կազմել և Բաժանորդին ներկայացնել մատակարարված բնական գազի համար վճարման փաստաթղթերը՝ ԳՄՕԿ-ով և սույն պայմանագրով սահմանված կարգով.
 - 4) չխոչընդոտել իր սեփականությունը հանդիսացող առևտրային հաշվառքի կայան Բաժանորդի կամ նրա ներկայացուցիչների մուտքը՝ օպերատիվ տեղեկատվություն ստանալու, կամ առևտրային հաշվառքի սարքերը կնքելու, կամ կնիքների առկայությունը ստուգելու, կամ բնական գազի որակական հատկանիշներն ուսումնասիրելու նպատակով բնական գազի նմուշառման համար.
 - 5) ԳՄՕԿ-ով սահմանված կարգով և ժամկետում սպառիչ պատասխան տալ Բաժանորդի դիմումին (բողոք, հարցադրում)՝ հանգամանորեն ներկայացնելով Բաժանորդի դիմումի առնչությամբ գործող իրավական դաշտը, նրա իրավունքներն ու պարտականությունները և այն բոլոր հանգամանքները, որոնք անհրաժեշտ կլինեն Բաժանորդին ամբողջական պատկերացում կազմելու ներկայացված դիմումի վերաբերյալ.
 - 6) գազասպառման համակարգում վթարների և վթարային իրավիճակների դեպքերում Բաժանորդի կամ այլ անձանց ահազանգով դադարեցնել նրա գազամատակարարումը, վերսկսել այն դադարեցման պատճառների վերացումից հետո՝ ԳՄՕԿ-ով սահմանված կարգով և ժամկետներում տեղեկացնելով Բաժանորդին.
 - 7) գազամատակարարման ընդհատման, սահմանափակման կամ դադարեցման դեպքում՝ բացատրությամբ վթարների ու վթարային իրավիճակների Բաժանորդին նախապես տեղեկացնել և գազամատակարարումը վերականգնել ԳՄՕԿ-ով սահմանված կարգով և ժամկետներում.
 - 8) սույն պայմանագրի լուծման կամ գազամատակարարման ժամանակավոր դադարեցման վերաբերյալ Բաժանորդի դիմումի հիման վրա դադարեցնել Բաժանորդի գազամատակարարումը հնարավորինս սեղմ ժամկետում, բայց ոչ ուշ, քան երկու աշխատանքային օրվա ընթացքում:
5. Բաժանորդը պարտավոր է.
- 1) վճարել մատակարարված բնական գազի դիմաց՝ սույն պայմանագրով և ԳՄՕԿ-ով սահմանված կարգով.
 - 2) չօգտագործել բնական գազը կամ գազասպառման համակարգը տեխնիկական պայմաններով, նախագծով և գազասարքավորումների տեխնիկական փաստաթղթերով (անձնագրով) չնախատեսված նպատակներով ու պայմաններով.
 - 3) գազասպառման համակարգի վթարի կամ վթարային իրավիճակների, կամ անսարքության, մարդկանց կյանքին, առողջությանը կամ շրջակա միջավայրին վտանգ սպառնացող իրավիճակներում, ինչպես նաև բնական գազի արտահոսք հայտնաբերելու դեպքում անմիջապես ընդհատել բնական գազի սպառումը և այդ մասին անհապաղ հայտնել Մատակարարին.
 - 4) իր նախաձեռնությամբ գազասպառման համակարգում փոփոխություններ (այդ թվում՝ սարքավորումների, դրանց հզորության, սպառման ծավալների) կատարելու համար, ԳՄՕԿ-ով սահմանված կարգով դիմել Մատակարարին.
 - 5) չխոչընդոտել Մատակարարի ներկայացուցիչների մուտքը իր գազասպառման համակարգի տեղակայման տարածք, եթե վերջինս ներկայացնում է իր լիազորությունները հավաստող ծառայողական վկայական՝ լուսանկարով և հայտնում է Բաժանորդի քարտի համարը: Մատակարարի ներկայացուցչի մուտքը գազասպառման համակարգի տեղակայման տարածք իրականացվում է՝ **շուրջօրյա**.
 - 6) իր սեփականությունը հանդիսացող (իր կողմից օգտագործվող) գազասպառման համակարգի տեղակայման տարածքը օտարելու (օգտագործման իրավունքը դադարելու) դեպքում դիմել Մատակարարին՝ վերջնահաշվարկ կատարելու և պայմանագիրը լուծելու համար:

4. ՄԱՏԱԿԱՐԱՐՎԱԾ ԲՆԱԿԱՆ ԳԱԶԻ ՀԱՇՎԱՌՈՒՄԸ

6. Հաշվարկային ամսում Բաժանորդին մատակարարված բնական գազի քանակը որոշվում է սույն պայմանագրի N1 հավելվածում նշված առևտրային հաշվառքի սարքի միջոցով՝ ԳՄՕԿ-ով սահմանված կարգով և ժամկետներում: Բաժանորդն իրավունք ունի մասնակցել առևտրային հաշվառքի սարքի ցուցմունքի գրանցմանը:
7. 10 հազար խորանարդ մետր և ավելի սպառում ունեցող Բաժանորդի դեպքում Մատակարարի և Բաժանորդի պատասխանատու անձինք՝ Հաշվարկային ամսվա համար ԳՄՕԿ-ով սահմանված

կարգով և ժամկետներում կազմում են երկկողմ ակտ՝ Բաժանորդին մատակարարված բնական գազի քանակի մասին: Այն դեպքում, երբ Բաժանորդը (Բաժանորդի պատասխանատու անձը) ԳՄՕԿ-ով սահմանված կարգով չի մասնակցում սույն կետում նշված ակտի կազմմանը, ապա Մատակարարը կարող է ակտը կազմել միակողմանի: Մատակարարի կողմից կազմված ակտը հիմք է հանդիսանում Բաժանորդին վճարման փաստաթուղթ ներկայացնելու համար:

8. Առևտրային հաշվառքի սարքի՝ այդ թվում նոր առևտրային հաշվառքի սարքի, տվյալները գրանցվում են սույն պայմանագրի N1 հավելվածում:
9. Առևտրային հաշվառքի սարքի խախտման դեպքում բնական գազի քանակը վերահաշվարկվում է ԳՄՕԿ-ով սահմանված կարգով:
10. Հաշվարկային ամսում, երբ առևտրային հաշվառքի սարքն աշխատել է իր չափման ընդգրկույթից (Qmin-Qmax) դուրս, Բաժանորդին մատակարարված բնական գազի քանակությունը հաշվարկվում է՝
 - 1) եթե չափումը կատարվել է ընդգրկույթի ստորին սահմանից (Qmin) ցածր, ապա ծախսն ընդունվում է Qmin-ին հավասար,
 - 2) եթե չափումը կատարվել է ընդգրկույթի վերին սահմանից (Qmax) բարձր, ապա ծախսն ընդունվում է 120 տոկոսին հավասար:Ճնշման անկման սկզբունքով աշխատող հաշվառքի սարքերի դեպքում նվազագույն՝ Qmin և առավելագույն՝ Qmax մեծությունները որոշվում են հաշվարկային եղանակով՝ համաձայն ԳՕՍՏ 8.563-97-ի՝ «Շեղուկների և գազերի քանակության և ծախսի քանակության չափումը ճնշման փոփոխական անկման մեթոդով» և ԳՕՍՏ-8.586-2005-ի՝ «Շեղուկների և գազերի ծախսի ու քանակության չափումը ստանդարտ նեղացնող սարքերի միջոցով»: Այլ սկզբունքով աշխատող հաշվառքի սարքերի համար նվազագույն՝ Qmin և առավելագույն՝ Qmax մեծությունները որոշվում են հաշվառքի սարքի անձնագրային տվյալների հիման վրա՝ համաձայն համապատասխանության սերտիֆիկատի:

5. ԲՆԱԿԱՆ ԳԱԶԻ ՍԱԿԱԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

11. Մատակարարվող բնական գազի սակագինը սահմանում է Հանձնաժողովը:
12. Հանձնաժողովի կողմից բնական գազի սակագնի փոփոխման դեպքում սահմանված նոր սակագինն ուժի մեջ է մտնում Հանձնաժողովի սահմանած ժամկետում:
13. Հաշվարկային ամսում մատակարարված բնական գազի համար (10 հազար խորանարդ մետր և ավելի սպառում ունեցող Բաժանորդի դեպքում՝ սույն պայմանագրի 7-րդ կետին համապատասխան կազմված ակտի հիման վրա) Մատակարարը ԳՄՕԿ-ով սահմանված կարգով և ժամկետում Բաժանորդին ներկայացնում է վճարման փաստաթուղթ: Հաշվարկային ամսում Բաժանորդին մատակարարված բնական գազի դիմաց վճարման ենթակա գումարը որոշվում է Հանձնաժողովի կողմից սահմանված համապատասխան սակագնի և մատակարարված բնական գազի քանակության արտադրյալով: Բաժանորդը մատակարարված բնական գազի դիմաց վճարումը կատարում է ներկայացված վճարման փաստաթղթի հիման վրա՝ ԳՄՕԿ-ով սահմանված կարգով և ժամկետում: Հաշվարկային ամսվա ընթացքում մատակարարվելիք բնական գազի համար կանխավճար կամ վճարման այլ երաշխիքներ պահանջները դեպքերն ու կարգը սահմանվում է ԳՄՕԿ-ով:
14. Բոլոր դեպքերում, եթե Բաժանորդը Հաշվարկային ամսում սպառել է մինչև 10 հազար խորանարդ մետր բնական գազ, ապա Հաշվարկային ամսվա ընթացքում մատակարարված բնական գազի դիմաց վճարում է ամսական մինչև 10 հազար խորանարդ մետր սպառում ունեցող Բաժանորդներին վաճառվող յուրաքանչյուր հազար խորանարդ մետրի համար Հանձնաժողովի կողմից սահմանված սակագնով, իսկ եթե Բաժանորդը Հաշվարկային ամսում սպառել է 10 հազար խորանարդ մետր և ավելի բնական գազ, ապա Հաշվարկային ամսվա ընթացքում մատակարարված բնական գազի դիմաց վճարում է ամսական 10 հազար խորանարդ մետր և ավելի սպառում ունեցող Բաժանորդներին վաճառվող յուրաքանչյուր հազար խորանարդ մետրի համար Հանձնաժողովի կողմից սահմանված սակագնով:

6. ԿՈՂՄԵՐԻ ՊԱՏՄԱՆԱՆԱՏՎՈՒԹՅՈՒՆԸ

15. Սույն պայմանագրով սահմանված պարտավորությունները չկատարելու կամ ոչ պատշաճ կատարելու դեպքում Կողմերը պատասխանատվություն են կրում Հայաստանի Հանրապետության օրենքներով, ԳՍՕԿ-ով և սույն պայմանագրով սահմանված կարգով:
16. Բաժանորդին մատակարարված բնական գազի քանակության դիմաց սույն պայմանագրի 13-րդ կետի համաձայն վճարման ժամկետը խախտելու դեպքում Մատակարարն իրավունք ունի պահանջել Բաժանորդից վճարելու տույժ՝ ժամկետանց յուրաքանչյուր օրվա համար չվճարված գումարի 0.1 տոկոսի չափով, բայց ոչ ավելի, քան չվճարված գումարի 10 տոկոսը:

7. ՖՈՐՍ ՄԱԺՈՐԱՅԻՆ ԻՐԱՎԻՃԱԿՆԵՐ

17. Կողմերն ազատվում են պայմանագրային պարտավորությունների չկատարման կամ ոչ պատշաճ կատարման համար պատասխանատվությունից, եթե դրանք հետևանք են արտակարգ և անկանխելի դեպքերի և հանգամանքների, որոնք ստեղծվել են Կողմերի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պոտտահողմերը, ինչպես նաև սարսափաշարի գործողությունները, ահաբեկչությունները, պատերազմները, ապստամբությունները, հասարակական անկարգությունները, գործադուլները, որոնք խոչընդոտում են Կողմերի գործունեությունը կամ հանգեցնում նրանց ստանձնած ցանկացած պարտավորության կատարման ձգձգման կամ դադարեցման հակառակ նրանց կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:
18. Կողմերը պարտավոր են սույն պայմանագրի 17-րդ կետում նշված իրավիճակների մասին հնարավորինս սեղմ ժամկետում, բայց ոչ ուշ, քան 24 ժամվա ընթացքում, տեղեկացնել միմյանց՝ նշելով դրանց վերացման հնարավոր ժամկետները:
19. Ֆորս մաժորի ավարտից հետո Կողմերը պարտավոր են անմիջապես ձեռնարկել միջոցներ իրենց պայմանագրային պարտավորությունները կատարելու համար:

8. ՎԵՃԵՐԻ ԼՈՒԾՈՒՄԸ

20. Սույն պայմանագրի առնչությամբ առաջացած վեճերը լուծվում են Կողմերի միջև բանակցությունների միջոցով, իսկ Կողմերից մեկի դիմելու դեպքում՝ Հանձնաժողովի միջնորդությամբ: Սույն կետը չի սահմանափակում Կողմերի իրավունքը՝ վեճերը լուծելու դատական կարգով:

9. ԱՅԼ ՊԱՅՄԱՆՆԵՐ

21. Սույն պայմանագրի №2 և №3 հավելվածները տարածվում են 10 000 խորանարդ մետր և ավելի սպառում ունեցող Բաժանորդների վրա:
22. Սույն պայմանագրի №4 հավելվածը տարածվում է այն Բաժանորդների վրա, որոնց գազաապատման համակարգը տեղակայված է բազմաբնակարան շենքում:
23. Մատակարարը պարտավոր է Բաժանորդին ուղարկվող գրությունները, ծանուցումները և այլ փաստաթղթերը Բաժանորդին հանձնել՝ պատշաճ ձևով: Փոստաթղթերը համարվում են պատշաճ ձևով հանձնված, եթե դրանք ուղարկվել են պատվիրված նամակով՝ հանձնման մասին ծանուցմամբ՝ Բաժանորդի կողմից սույն պայմանագրով նշված ծանուցման վայրին, կամ էլեկտրոնային փոստով, եթե առկա է այն ստանալու մասին էլեկտրոնային հավաստում կամ հանձնվել են ստացականով, եթե առանձին դեպքերի համար ԳՍՕԿ-ով կամ սույն պայմանագրով նախատեսված չէ պատշաճ հանձնման կոնկրետ ձև:
24. Բաժանորդը պարտավոր է սույն պայմանագրում նշված ծանուցման վայրի փոփոխության դեպքում 10 աշխատանքային օրվա ընթացքում Մատակարարին գրավոր տեղեկացնել նոր ծանուցման վայրի վերաբերյալ:
25. Այն դեպքում, երբ Բաժանորդը գրավոր չի տեղեկացրել Մատակարարին իր ծանուցման վայրի փոփոխության մասին, և Մատակարարը կիրառել է փաստաթղթերի պատշաճ հանձնման բոլոր

ձևերը, սակայն առկա չէ Բաժանորդի կողմից համապատասխան փաստաթղթերն ստացած լինելու հավաստումը, ապա Մատակարարի կողմից սույն պայմանագրում նշված ծանուցման վայրով ուղարկված փաստաթուղթը համարվում է պաշտոնաճանաչված, թեկուզ և Բաժանորդն այլևս այդ գտնվելու կամ բնակության վայրում չի գտնվում:

26. Մատակարարը և 10 000 խորանարդ մետր և ավելի սպառում ունեցող Բաժանորդը, ելնելով Բաժանորդի գնագատարման համակարգի առանձնահատկություններից, իրավունք ունեն սույն պայմանագրի N3 հավելվածում սահմանել լրացուցիչ պայմաններ:

26.1. Հանձնաժողովի 2013 թվականի դեկտեմբերի 4-ի N425Ն որոշման համաձայն Կողմերը մեկից ավելի սահմանազատման կետ ունենալու դեպքում իրավունք ունեն կնքել բնական գազի մատակարարման մեկ պայմանագիր՝ բոլոր սահմանազատման կետերի համար, որի դեպքում սույն պայմանագրի բոլոր դրույթները կիրառվում են յուրաքանչյուր սահմանազատման կետի համար առանձին:

Չի թույլատրվում՝

1) սահմանազատման կետերից մեկում սույն պայմանագրի դրույթների խախտման դեպքում պատասխանատվության միջոցներ կիրառել մյուս սահմանազատման կետերի նկատմամբ,

2) Հանձնաժողովի կողմից սահմանված բնական գազի սակագինը կիրառել տարբեր սահմանազատման կետերում սպառված բնական գազի ամսական քանակները գումարելու միջոցով:

26.2. Հանձնաժողովի 2013 թվականի դեկտեմբերի 4-ի N425Ն որոշման համաձայն սույն պայմանագիրը մեկից ավելի սահմանազատման կետերի համար կնքելու դեպքում՝

1) Մատակարարն իրավունք ունի կազմել և ներկայացնել մեկ միասնական վճարման փաստաթուղթ բոլոր սահմանազատման կետերի համար՝ հաշվի առնելով սույն պայմանագրի 26.1 կետի 2-րդ ենթակետով նախատեսված սահմանափակումը, ներկայացնելով առանձին տեղեկատվություն յուրաքանչյուր սահմանազատման կետում մատակարարված բնական գազի քանակի և վճարման ենթակա գումարի մասին:

2) Բաժանորդն իրավունք ունի կատարել վճարում մեկ միասնական փաստաթղթի հիման վրա՝ ներկայացնելով առանձին տեղեկատվություն յուրաքանչյուր սահմանազատման կետում սպառված բնական գազի քանակի և վճարված գումարի մասին:

10. ՊԱՅՄԱՆԱԳՐԻ ԳՈՐԾՈՂՈՒԹՅՈՒՆԸ ԵՎ ԼՈՒԾՈՒՄԸ

27. Սույն պայմանագիրն ուժի մեջ է մտնում կնքման պահից և գործում է անորոշ ժամկետով:

28. Մատակարարի և էներգետիկայի բնագավառում լիցենզավորված անձանց (որոնք բնական գազը ձեռք են բերում էլեկտրական կամ ջերմային էներգիա արտադրելու նպատակով) միջև կնքված պայմանագրերն ուժի մեջ է մտնում Հանձնաժողովում գրանցվելու պահից:

29. Հանձնաժողովի կողմից բնական գազի մատակարարման (Մատակարար-Բաժանորդ (կազմակերպություն)) պայմանագրի նոր օրինակելի ձև հաստատելու կամ գործող օրինակելի ձևում փոփոխություններ կամ լրացումներ կատարելու դեպքում Կողմերը պարտավոր են Հանձնաժողովի սահմանած ժամկետում կնքել նոր պայմանագիր կամ համապատասխան փոփոխություններ կամ լրացումներ կատարել գործող պայմանագրում:

30. Սույն պայմանագիրը կարող է լուծվել.

1) Կողմերի փոխհամաձայնությամբ,

2) Բաժանորդի կողմից միակողմանի, այդ մասին Մատակարարին տեղեկացնելու և օգտագործած բնական գազի, իսկ բազմաբնակարան շենքում գտնվող Բաժանորդի դեպքում՝ նաև տեխնիկական սպասարկման մատուցված ծառայության համար ամբողջությամբ վճարելու պայմանով,

3) Մատակարարի կողմից միակողմանի՝ Հայաստանի Հանրապետության օրենքներով սահմանված դեպքերում և կարգով:

31. Բաժանորդի կողմից սույն պայմանագրի 5-րդ կետի 6-րդ ենթակետով նախատեսված պարտավորությունը չկատարելու դեպքում սույն պայմանագիրը լուծված է համարվում այն պահից, երբ Մատակարարը պայմանագրի լուծման մասին ծանուցում է Բաժանորդին:

31.1 Հանձնաժողովի 2013 թվականի դեկտեմբերի 4-ի N425Ն որոշման համաձայն սույն պայմանագրում սահմանազատման նոր կետ ավելացնելը կամ բաժանորդի կողմից գործող սահմանազատման կետերից որևէ մեկից հրաժարվելը հիմք չի կարող հանդիսանալ սույն պայմանագիրը լուծելու համար:

11. ՊԱՅՄԱՆԱԳՐԻ ԱՆԲԱԺԱՆԵԼԻ ՄԱՍ ԿԱԶՄՈՂ ՀԱՎԵԼՎԱԾԵՐԻ ՑԱՆԿԸ

32. Հավելված №1 - Համաձայնագիր սահմանազատման և առաքման կետերի մասին

33. Հավելված №2 - Համաձայնագիր սահմանազատման կետում բնական գազի որակի և ճնշման մասին

34. Հավելված №3 - Համաձայնագիր բնական գազի մատակարարման չափաբանակների և լրացուցիչ պայմանների մասին

35. Հավելված №4 - Համաձայնագիր բազմաբնակարան շենքում գտնվող գազասպարտման համակարգի տեխնիկական սպասարկման ծառայությունների մատուցման մասին

Մատակարար


"ՀայՌուսգազարդ" ՓԲԸ

22, ք.Երևան, Թբիլիսյան խճուղի, 43

"Առեկսիմբանկ-Գազարոմբանկի խումբ" ՓԲԸ

Հ/Հ 2380003097950300

ՀՎՀՀ 00046317



Վ. Հարությունյան

Բաժանորդ


22 ԿԱ Անշարժ գույքի կադաստրի ՊԿ

22, ք.Երևան, Արշակունյաց պող. 7

22 Ֆինանսների նախարարության գործառնական վարչություն

Հ/Հ 900013220026

ՀՎՀՀ 02534328



Ա. Անանյան

ՀՀ անշարժ գույքի կադաստրի կոմիտեի կենտրոնացված բնական գազի մատակարարման N ARC U
19 0 01 14 0012 պայմանագրի 3-րդ հավելված լրամշակված ցանկ

Հ/Հ	Կոդ	Ստորաբաժանման անվանումը	Գրանցման հասցե
1	2028	Կոմիտե	Ք. Երևան, Արշակունյաց 7
2	3887	Անշարժ գույքի միասնական գրանցման ստորաբաժանում	Ք. Երևան, Փ. Բյուզանդ 1/3
3	7362	Անշարժ գույքի միասնական գրանցման ստորաբաժանում	Ք. Երևան, Կոմիտաս 35/2
4	5500	Տեղեկատվական տեխնոլոգիաների կենտրոն	Ք. Երևան, Կոմիտաս 35/2
5	B00562	Շիրակ մարզային ստորաբաժանում	Ք. Գյումրի, Թամանյան 26
6	298	Լոռի մարզային ստորաբաժանում	Ք. Վանաձոր, Ուսանողական 10
7	162	Սյունիք մարզային ստորաբաժանում	Ք. Կապան, Լեոնազործներ 5ա/1
8	2253	Շենգավիթ սպասարկման գրասենյակ	Ք. Երևան, Մանանդյան 33
9	562	Գյումրի սպասարկման գրասենյակ	Ք. Գյումրի, Արուսյան փող. 248
10	145	Արթիկ սպասարկման գրասենյակ	Ք. Արթիկ, Հակոբյան 32/6
11	3	Ամասիա սպասարկման գրասենյակ	Գ. Ամասիա, 26 փող. 19
12	74	Ալավերդի սպասարկման գրասենյակ	Ք. Ալավերդի, Թումանյան 2
13	110	Ստեփանավան սպասարկման գրասենյակ	Ք. Ստեփանավան, Արևելյան 4
14	93	Հրազդան սպասարկման գրասենյակ	Ք. Հրազդան, Կենտրոն թաղամաս 52/2
15	90	Չարենցավան սպասարկման գրասենյակ	Ք. Չարենցավան, Քոչարի փ. 3-րդ փակուղի 1
16	434	Արուսյան սպասարկման գրասենյակ	Ք. Արուսյան, Բարեկամության 2
17	144	Եղվարդ սպասարկման գրասենյակ	Ք. Եղվարդ, Երևանյան 1
18	70	Նոյեմբերյան սպասարկման գրասենյակ	Ք. Նոյեմբերյան, Զ. Անդրանիկի 14/3
19	72	Վարդենիս սպասարկման գրասենյակ	Ք. Վարդենիս, Ռոմանի 98/2

20	216	Սևան սպասարկման գրասենյակ	Ք. Սևան, Նաիրյան 164
21	98	Թալին սպասարկման գրասենյակ	Ք. Թալին, Տերյան փող. 24 թիվ 49
22	62	Ապարան սպասարկման գրասենյակ	Ք. Ապարան, Բաղրամյան 26
23	70	Ծաղկավոհիտ սպասարկման գրասենյակ	Գ. Ծաղկահովիտ, Հոկտեմբերյան 2/7
24	62	Գորիս սպասարկման գրասենյակ	Ք. Գորիս, Գ. Նժդեհի 22
25	77	Սիսիան սպասարկման գրասենյակ	Ք. Սիսիան, Սիսակյան 37

ՀԱՄԱՁԱՅՆԱԳԻՐ N 11

14.01.2014թ. կնքված Բնական գազի մատակարարման

(Մատակարար-Բաժանորդ (կազմակերպություն))

N ARG 19 0 01 14 0012 պայմանագրի (այսուհետ՝ Պայմանագիր)

ք. Երևան

«___» _____ 2019թ.

Մատակարար՝ «Գազպրոմ Արմենիա» ՓԲԸ-ն, ի դեմս Վարչության նախագահ-Գլխավոր տնօրեն Հ.Թադևոսյանի, որը գործում է Կանոնադրության հիման վրա և որի անունից «Գազպրոմ Արմենիա» ՓԲԸ 23.04.2018թ. N: 01-20/1568 լիազորագրի հիման վրա գործում է Գլխավոր տնօրենի տեղակալ Ա.Գևորգյանը, մի կողմից, և **Բաժանորդ՝** ՀՀ Անշարժ գույքի կադաստրի կոմիտեն, ի դեմս Գլխավոր քարտուղար Գ.Գրիգորյանի, որը գործում է Կանոնադրության հիման վրա, մյուս կողմից, համատեղ կոչվելով Կողմեր, կնքեցին սույն Համաձայնագիրը հետևյալի մասին.

1. Պայմանագրի անբաժանելի մաս կազմող №1 հավելվածի՝ Առևտրային հաշվառքի սարքի (կայանի) տվյալները՝ աղյուսակը լրացվում է հետևյալ տողով.

N	ՀՀ ԿԱ ԱԳ Կ ՊԿ ստորաբաժանումների անվանումը	Մակ- նիշը	Գործարա- նային N	Տեղադրման վայրը
--	-----	--	--	--
33	Գեղարքունիք	G 4	11296425	ք.Գավառ, Բունիաթյան փ., 1-ին անցում, 2/1

2. Սույն Համաձայնագիրն ուժի մեջ է մտնում Կողմերի ստորագրման պահից:
3. Սույն Համաձայնագիրը գործում է Պայմանագրի գործողության ժամկետում:
4. Սույն Համաձայնագիրը հանդիսանում է Պայմանագրի անբաժանելի մասը:
5. Սույն Համաձայնագիրը կնքված է հավասարազոր իրավաբանական ուժ ունեցող երկու օրինակից, մեկական օրինակ յուրաքանչյուր կողմի համար:

Մատակարար

«Գազպրոմ Արմենիա» ՓԲԸ

Լիազորված անձ

Լիազորագիր՝ N:01-20/1568,

տրված՝ 23.04.2018թ.

Գլխավոր տնօրենի տեղակալ


Ա.Տ. Գևորգյան

Բաժանորդ

ՀՀ Անշարժ գույքի կադաստրի կոմիտե

Գլխավոր քարտուղար


Գ.Գրիգորյան